

1. **Ministarstvo za boračka pitanja Kantona Sarajevo**, koga zastupa **ministar Hajrudin Grabovica** (u daljem tekstu: Ugovorni organ) i
2. **„SENIGOR“ d.o.o. Sarajevo kao lider u konzorciju sa Eko Teh d.o.o. Sarajevo**, koga zastupa **direktor Senad Islam** (u daljem tekstu: Dobavljač), zaključili su u Sarajevu dana, 01.07.2020.godine

U G O V O R

**o izvođenju građevinskih radova i pružanju građevinskih usluga za pripadnike boračke populacije Kantona Sarajevo za 2020. godinu
JRJN: 45000000-7 (Građevinski radovi)**

Član 1.

Predmet ovog Ugovora je izvođenje građevinskih –zanatskih radova i pružanje građevinskih usluga na sanaciji i rekonstrukciji stambenih jedinica za pripadnike boračke populacije Kantona Sarajevo za 2020. godinu, koje odredi Ugovorni organ na osnovu javnog poziva za dodjelu jednokratnih bespovratnih sredstava u vidu izvođenja građevinskih radova i pružanja građevinskih usluga na stambenim jedinicama korisnika donacije, a prema ponudi Dobavljača broj 06-11-12712/20 od 18.05.2020. godine, odnosno prema specifikaciji iz ponude i specifikaciji sa ispravljenim tehničkim greškama (Zahtjev Ugovornog organa br. 06-11-10526-3/20 od 29.05.2020. godine i Potvrde Dobavljača br. 04/20 od 29.05.2020. godine) koje su sastavni dio ovog Ugovora.

Za predmetnu javnu nabavku objavljeno je obavještenje broj 920-1-3-2-3-70/20 od 27.04.2020. godine na Portalu javnih nabavki i u Službenom glasniku BiH.

Vrste i kvalitet radova, materijala i opreme koji su predmet ovog Ugovora, kao i potrebne količine, određeni su u Specifikaciji radova uz tehnički opis - Obrazac za cijenu ponude – radovi - Anex 1, na osnovu kojeg je dostavljena ponuda Dobavljača.

Potreba za konkretnim količinama po korisniku će biti navedena u pojedinačnim specifikacijama/nalozima koje će se dostavljati Dobavljaču.

Član 2.

Vrijednost za izvođenje građevinskih – zanatskih radova i pružanje građevinskih usluga na sanaciji stambenih jedinica koje odredi Ugovorni organ iz člana 1. ovog Ugovora bez PDV-a iznosi od **128.287,10 KM** (slovima:stotinudvadesetosamhiljadadvijestotineosamdesetsedam i 10/100KM). Ukupna vrijednost Ugovora sa PDV-om iznosi **150.095,91 KM** (slovima: stotinupedesethiljadadevedesetpet i 91/100 KM).

Specifikacija sa ponuđenim jediničnim cijenama, kao i Potvrda Dobavljača o prihvatanju korigovane ukupne cijene je sastavni dio ovog Ugovora, a jedinične cijene su fiksne i ne mogu se mijenjati ni pod kojim uslovima.

Ugovorni organ zadržava pravo da umanja izraženu ukupnu vrijednost Ugovora ukoliko se isti bude morao smanjiti zbog nedovoljnog priliva sredstava u Budžet Kantona Sarajevo za 2020.godinu ili iz drugih opravdanih razloga, a što cijeni Ugovorni organ.

Član 3.

Ugovorni organ zadržava pravo utvrđivanja resursa ponuđača potrebnih za izvršenje predmeta ugovora, kako bi se utvrdilo da li isti zadovoljavaju uslove za realizaciju posla.

Ugovorni organ će angažovati - ovlastiti lice koje će vršiti kontrolu izvođenja građevinskih radova i pružanja građevinskih usluga na terenu, od početka do okončanja izvršenja radova – Nadzorni organ.

Ugovorni organ zadržava pravo da imenuje dodatni nadzor - Stručnu komisiju koja će pratiti kvalitet radova i korištenog materijala.

Član 4.

Ugovorni organ se obavezuje da će plaćanje obaveza po ovom Ugovoru vršiti na osnovu ispostavljenih faktura Dobavljača koje će sadržavati specifikaciju izvršenih radova, nakon ovjere ovlaštenog lica Ugovornog organa. Plaćanje će se vršiti u roku od 30 (trideset) dana od dana ispostavljanja fakture, a u zavisnosti od dinamike priliva budžetskih sredstava.

Član 5.

Dobavljač je dužan pristupiti izvođenju radova u roku od 7 (sedam) dana po prijemu pismenog ili usmenog naloga od strane Ugovornog organa.

Za nepridržavanje rokova otpočinjanja i završetka radova od završnog računa Dobavljača odbija se 0,03% od predračunske stope za svaki dan kašnjenja do maksimalnog iznosa od 1%.

Član 6.

Pored obaveza koje su predviđene važećim propisima, Ugovorni organ je obavezan:

- uvesti Dobavljača u posao, što se potvrđuje upisom u građevinski dnevnik Dobavljača;
- naložiti korisniku donacije da oslobodi prostor u kojem će se izvoditi radovi u maksimalno mogućoj mjeri;
- osigurati stručni nadzor nad izvođenjem radova Nadzorni organ i Stručna komisija;

Član 7.

Pored obaveza koje su predviđene važećim propisima, ovim Ugovorom Dobavljač je obavezan:

- početi sa izvođenjem radova danom uvođenja u posao, što će biti konstatovano upisom u građevinski dnevnik Dobavljača;
- odrediti odgovornog rukovodioca radova;
- obezbjediti materijal i radnu snagu za izvođenje radova iz člana 1. Ugovora;
- izvođač u toku izvođenja radova ne smije odstupiti od Predmjera radova osim u slučajevima pismene saglasnosti Nadzornog organa i Ugovornog organa;
- dobavljač je dužan upozoriti Ugovorni organ na eventualne greške ili nedostatke u Predmjeru radova u pogledu sigurnosti i stabilnosti objekta i to prije ili u toku izvođenja radova;
- izvesti ugovorene radove stručno i kvalitetno prema ponudi iz člana 1. ovog Ugovora a u skladu sa važećim tehničkim normativima i standardima, pravilima struke;
- ugraditi kvalitetan materijal i opremu po tehničkom opisu i standardima;
- materijal mora odgovarati zahtjevima iz dostavljene ponude (po opisima iz Predmjera), važećim standardima i normativima i ne smije biti ispod dozvoljenog kvaliteta. Ako Izvođač

- po sopstvenom nahodjenju, bez saglasnosti Ugovornog organa, ugradi materijal koji je kvalitetno bolji ili više cijene od ugovorene, nema pravo na posebnu naknadu;
- voditi zakonom propisanu dokumentaciju u toku izvođenja radova (građevinski dnevnik, građevinska knjiga i dr.);
 - izvršiti svaki eventualni nalog Nadzornog organa u pogledu obustave rada, koji bi mogli ugroziti sigurnost ljudi i objekta;
 - pravovremeno poduzimati sigurnosne mjere sa aspekta PP zaštite i zaštite na radu;
 - pravovremeno poduzimati mjere za sigurnost radova, zaposlenika, korisnika donacije za izgradnju/sanaciju stambenih jedinica, objekta i okoline;
 - da u toku izvođenja radova ne može angažovati podugovarače bez saglasnosti Ugovornog organa;
 - po završetku izvedene radove predati Ugovornom organu.

Član 8.

Dobavljač je dužan da imenuje stručni nadzor za vrijeme izvođenja radova koji su predmet ovog Ugovora.

Za koordinaciju između ugovorenih strana pri izvođenju građevinskih radova ovlašćuje se ispred Dobavljača Predsjednik stručnog nadzora Nevzet Osmanović, a ispred Ugovornog organa Rasim Duraković.

Član 9.

Ukoliko prilikom izvođenja radova po konkretnom slučaju dođe do potrebe za izvođenjem nepredviđenih i naknadnih radova iz člana 1. ovog Ugovora, isti se mogu izvesti samo po zahtjevu/saglasnosti Ugovornog organa, a cijene tih radova će biti u skladu sa jediničnim cijenama utvrđenim u Ugovoru za takve radove. U ovom slučaju ukupna vrijednost Ugovora ostaje nepromijenjena.

U slučaju nužnih dodatnih, nepredviđenih i naknadnih radova koji nisu predviđeni specifikacijom postupiće se u skladu sa članom 24. Zakona o javnim nabavkama BiH ("Službeni glasnik BiH", broj 39/14), a kako je navedeno u tački 2. tenderske dokumentacije.

Ukoliko Dobavljač izvede dodatne – naknadne radove bez saglasnosti Ugovornog organa, isti terete Dobavljača.

Član 10.

Dobavljač se obavezuje da će sa danom potpisivanja ovog Ugovora dostaviti Ugovornom organu garanciju za uredno izvršenje ugovora u visini od 10 % vrijednosti ugovora, sa rokom važnosti do 31.12.2020. godine + 30 dana, koja će poslužiti za pokrivanje svake štete i troškova koje Ugovorni organ može imati ukoliko Dobavljač prekrši ugovor o nabavci od potpisivanja ugovora pa do njegovog ispunjenja u cjelosti.

Ugovorni organ zadržava garanciju do isteka roka važnosti.

Ako Dobavljač ne dostavi garanciju za dobro izvršenje ugovora u naprijed navedenom roku Ugovor se ima smatrati nevažećim, a Dobavljač se obavezuje da nadoknadi štetu koju je pretrpio Ugovorni organ zbog nepoštivanja zahtjeva iz tenderske dokumentacije i uslova ovog Ugovora.

Ukoliko se iz objektivnih razloga realizacija ugovora ne okonča do 31.12.2020. godine, odnosno dio radova se po zahtjevu Ugovornog organa prenese u narednu godinu, izabrani dobavljač će biti dužan dostaviti novu bankovnu garanciju na iznos od 10% od preostale vrijednosti ugovora sa rokom važnosti do isteka ugovora + 30 dana.

Član 11.

Dobavljač daje garanciju za kvalitet izvedenih radova i ugrađenog materijala u periodu 1 (jedne) godine, a koja počinju teći od dana primopredaje izvršenih radova Ugovornom organu od strane Dobavljača.

U toku trajanja garantnog roka Dobavljač će po zahtjevu Ugovornog organa, o svom trošku preduzeti mjere otklanjanja nedostataka u roku od 5 dana za radove, a eventualnu zamjenu nastalu u garantnom roku za 15 dana od dana dobijanja pismene obavijesti od strane Ugovornog organa.

Član 12.

Ugovorni organ može raskinuti Ugovor:

- ako Dobavljač ne uskladi dinamiku izvođenja radova sa dinamikom Ugovornog organa, a zakašnjenje nije posljedica vanrednih okolnosti;
- ako Dobavljač izvodi radove nekvalitetno;
- ako Dobavljač ne izvrši neku od obaveza koje su posebno utvrđene kao obaveza Dobavljača po ovom Ugovoru;
- ako ne izvrši primopredaju radova po završetku istih.

Ugovor se smatra raskinutim pismenim obavještenjem Dobavljaču.

U slučaju raskida ugovora zbog neizvršenja ugovornih obaveza, eventualna šteta po korisnika donacije i/ili Ugovorni organ pada na teret Dobavljača sa kojim je Ugovor raskinut. U ovakvom slučaju postupiće se u skladu sa Zakonom o javnim nabavkama BiH i Zakonom o obligacionim odnosima.

Član 13.

Ovaj Ugovor stupa na snagu danom potpisivanja, a važiće do 31.12.2020. godine, odnosno najduže do godinu dana od dana potpisivanja.

Član 14.

Dobavljač kome je dodjeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja Ugovornog organa. Elementi ugovora koji se podugovaraju i identitet podugovarača obavezno se saopćavaju Ugovornom organu blagovremeno prije sklapanja podugovora. Ugovorni organ obavjestit će Dobavljača o svojoj odluci u roku od 15 dana nakon prijema saopćenja, navodeći razloge u slučaju odbijanja. Dobavljač kojem je dodjeljen ugovor snosi punu odgovornost za realizaciju ugovora.

Član 15.

Ugovorni organ shodno članu 72. tačka 6. Zakona o javnim nabavkama postavlja uslov da Dobavljač kojem je dodjeljen ugovor o javnoj nabavci nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora.

Član 16.

Sve eventualne sporove nastale u toku realizacije ovog Ugovora, ugovorne strane će rješavati sporazumno, u protivnom svi eventualno nastali sporovi će se rješavati kod nadležnog suda u Sarajevu.

Član 17.


Ovaj Ugovor stupa na snagu danom obostranog potpisivanja.

Član 18.

Ovaj Ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Dobavljača

DIREKTOR


Senad Islam

Broj: 40/20
Sarajevo, 01.07.2020. godine



Za Ugovorni organ

MINISTAR


Hajrudin Grabovica

Broj: 06-12712-1/20
Sarajevo, 01.07.2020. godine

